

PATXI ETA MERTZEDES

1

Kontu kontari nator
askoren mesedez,
kontulagun dirala
Patxi ta Mertzedes.
Neuk asmatutakorik
ez dago ezer ez,
bizi dabena da-ta,
hartu eizu fedez.

2

Berrogeita hamar urte
ezkondu ginala,
alkarri beti gordez
maitasun leiala.
Horra seme-alabak
Jaunak emon ahala,
bereak dira-ta
bedeinka daizala.

3

Ezagutu ditugu
semeen semeak,
danak onak dirala,
gero ta hobeak.
lurreko ondasunez
nahikoa pobreak,
baina aberastuak
Jesusen fedeak.

4

Gurasoen ardurak
ez dauko azkenik,
ez dago zetan hartu
Jaungoikoarenik.
Laguntzeko beti prest
badago ahalmenik,
hotako ez da behar
inoren baimenik.

5

Bete dogu munduan
Geure egitekoa,
Orain dogu ordua
Geu bizitekoa.
Biok alkar maite ta
biok Jaungoikoa,
hona berton munduan
baten hirukoa.

6

Bizian Goran gabiltz
biok zorionez,
Jesus Jaunari leku
gehiago emonez.
Horrexek bete gaitu
bakez eta onez,
pozaren pozez gagoz
kantuz eskerronez.

7

Buruz gauza askorik
ez dogu ikasi,
Espiritu Santuak
deusku irakatsi.
Hauxe izan da gure
zahartzaroko grazi,
hona gaur zoriontsu
Mertzedes ta Patxi.

8

Hona apal esanda
geuk bizi doguna,
geuri Jaunaren graziz
gertatu jakuna.
Horra nundik jatorkun
zoriontasuna:
Jesu egin jakula
etxeko Laguna.